

Oleh MOHD. SAIFUL MOHD. SAHAK

kampus@utsan.com.my

UNIVERSITI Malaysia Pahang (UMP) mengiktiraf dan menghargai sumbangan khidmat bakti seramai 130 kakitangannya yang cemerlang sempena penganjuran Hari Kualiti & Inovasi UMP 2013 baru-baru ini.

Penganjuran majlis itu sebagai usaha memupuk budaya kerja cemerlang berdasarkan tiga petunjuk utama iaitu kualiti, inovasi dan kreativiti UMP.

Naib Canselor UMP, Prof. Datuk Dr. Daing Nasir Ibrahim berkata, tanggungjawab dalam melaksanakan agenda Pelan Strategik UMP melibatkan komitmen, kesungguhan dan peranan daripada perbagai pihak termasuk kumpulan pengurusan.

Katanya, tanggungjawab bersifat holistik kepada kumpulan pengurusan dan peringkat pelaksana iaitu para akademik dan birokrat, kumpulan pengurusan tertinggi, pengurusan dan profesional serta pelaksana, merentasi semua skim perkhidmatan dan gred jawatan.

"Pemarkahan Laporan Nilaiara Prestasi Tahunan warga kerja merangkumi Bidang Keberhasilan Utama (KRA) Universiti sebagai kriteria penilaian.

"Aspek kualiti dan inovasi merupakan rangkaian nilai tambah kepada operasi dan sistem penyampaian perkhidmatan UMP. Oleh itu, penterjemahan nilai kualiti dan inovasi berterusan di setiap Pusat Tanggungjawab menyumbang kepada aras prestasi UMP," katanya dalam Majlis Perasmian Hari Kualiti dan Inovasi 2014 yang berlangsung di Dewan Astaka UMP baru-baru ini.

Majlis itu turut dihadiri Timbalan Naib Canselor (Penyelidikan dan Inovasi), Prof. Dr. Mashitah Mohd. Yusoff, Timbalan Naib Canselor (Hal Ehwal Pelajar dan Alumni), Prof. Dato' Dr. Yuserrin Zainuddin dan Pendaftar, Mustafa Ibrahim.

Sebanyak lapan anugerah diberikan antaranya, Anugerah Perkhidmatan Cemerlang, Hadiah Kumpulan Inovatif & Kreatif (KIK), Hadiah Persekutuan Berkualiti (Amalan 5S), Hadiah ICT (K-Portal), Hadiah Penerbitan, Anugerah Sukan, Hadiah Harapan Anugerah Kualiti Naib Canselor dan anugerah khas cemerlang penarafan 5 bintang "Malaysia Government Portals and Websites 2013" oleh MDec.

Dalam majlis itu, Daing Nasir turut melancarkan enam buah buku hasil

Kualiti inovasi teras kecemerlangan UMP

Mengiktiraf dan menghargai sumbangan khidmat bakti kakitangannya yang cemerlang sempena penganjuran Hari Kualiti & Inovasi UMP 2013



DAING Nasir Ibrahim (tengah) bersama sebahagian penerima Anugerah Khidmat Cemerlang sempena Hari Kualiti dan Inovasi UMP di Dewan Astaka UMP, Pahang baru-baru ini.

karya Jabatan Hal Ehwal Akademik dan Antarabangsa sebagai panduan khususnya di kalangan kakitangga Academic Staff Handbook, Basic Learning and Teaching Courses, Daftar Program Akademik, Terma Rujukan bagi Lantikan Luar, Sedekad Kegemilangan Akademik & Antarabangsa 2002-2012 dan Pencapaian UMP 2013 - fakta dan angka.

Selain itu, bagi pertandingan KIK pula dimenangi Kumpulan Sirec daripada Jabatan Hal Ehwal Pelajar dan Alumni (JHEPA), naib johan dimenangi Kumpulan

Easylib daripada Jabatan Perpustakaan dan tempat ketiga dimenangi oleh kumpulan Conpro daripada JHEAA.

Hadiah ICT (K-Portal) pula dimenangi Pejabat Naib Canselor untuk kategori pentadbiran dan bagi kategori akademik dimenangi Pusat Bahasa Moden dan Sains Kemanusiaan yang masing-masing membawa pulang sijil dan hadiah wang tunai RM2,000.

Hadiah Penerbitan bagi Karya Asli Terbaik Penerbit UMP dimenangi pasangan Prof. Madya Dr. Zularisam Ab.

Wahid dan Prof. Madya Dr. Mimi Sakinah Abdul Munaim dengan tajuk buku "Enzymatic Membrane Reactor For Fine Chemical."

Anugerah Sukan pula dimenangi oleh Pengurus Pasukan Hoki Lelaki, Hazami Che Hussain yang membawa pulang sijil penghargaan dan wang tunai RM2,000 manakala Hadiah Harapan Anugerah Kualiti Naib Canselor dimenangi Jabatan Hal Ehwal Akademik dan Antarabangsa yang turut membawa pulang sijil penghargaan dan wang tunai RM5,000.